

«КЪЫРЫМ ЭВЛЯДЫ»

ГАЗЕТАНЫНЪ БУ
НОМЕРАСЫНДА:

Оджалар куню 1

Аналар куню 2

Психология афтасы 3

Оджалар куню

ТАТАР ОДЖАСЫНА

Эй, заваллы, кунь корьмеген факъыр татар оджасы,
Мухтадж сагъа бу миллетнинъ къарысы эм къоджасы.

Сенсинъ онынъ келеджегин кечкениндай этеджек,
Корекчи бир къарт чобандай джол корьсетип кетеджек!

Лякин сени джаиль миллет такъдир этмей, къарамай,

Сенинъ айткъан акъ сёзлеринъ озь ишине ярамай.

Инсан этмек ичюн халкънынъ алайын бир пичимде,
Басыкъ, алчакъ бастырыкъдай бир мектепнинъ ичинде,

Оксюз татар балаларын топлагъансынъ башынъа,
Язмагъа сёз тапылмайджакъ сенинъ тюрбе ташынъа.

Сен джан чекиш мектебинъде, ёрулма ич, бильги сач,
Эвинъдеки ананъ, бабанъ, баланъ, къарынъ бола ач...

Тиленгендай джуресинъ сен язда, къышта, боранда,
Сенинъ эвинъ, энъ мушкюль бир кунь кечирген къоранта...

Утансынлар бу миллетнинъ къалын къурсакъ байлары,
Къолтугъында эр бирининъ къыгъыт акъча, тайлары.


Джан дарысы беллегенлер шу темельсиз параны,
Сен сарасынъ шундайларнынъ коксюндеки яраны.

Миллет ичюн верем къапа, козьлеринъде арта яш,
Мугъайма сен бу къорлукъкъа, эй федаий, аркъадаш...



Сен бу халкънынъ эм анасы, эм бабасы, башысынъ,
Келеджекнинъ йкъылмайджакъ къавий темель ташысынъ!..

Шимди сенинъ къыйметинъ ёкъ, кунюнъ мушкюль болса да,
Бизлер ичюн гуль савлугъынъ бир чичекдай солса да,

Мумкюн тугуль бу халкъ сени бир кунь такъдир этеджек,
Иште, джашлыкъ о куньден сонъ макъсадына джетеджек.



Аналар куню



АНАЛАР КУНЮ ХАЙЫРЛЫ ОЛСУН!!!

Халкъара АНАЛАР куню хайырлы олсун! Ана — дуньянынъ энъ мукъадес ве къыйметли сезлеринден биридир. Джан-юректен аналарымызгъа къавийден-къавий сагълыкъ, узакъ ве бахтлы омюр, чокъ къуванчлы куньлер тилеймиз!!! Эр бир кунюнъиз байрамгъа чевирилъсин, юзьлеринъизде даима тебессюм парылдасын.

Сизинъ балаларынъиз ве торунларынъиз эр вакъыт сизни къувандырсынлар.

Аналар куню хайырлы олсун!

АНА — насыл бир тытлы ве сыджакъ сёз, ойлеми? Ана олмакъ — бу балабан бир вазифедир! Омюрюмизде энъ джиддий шейлер АНАдан таби олуна: динимиз, урметимиз, адетлеримиз. Бунынъ эр бирисини бизлерге АНА ашлата. Балаларнынъ омюри насыл этип къурыладжагъы догърудан АНАдан багълы.

Озь АНАларынъизгъада «Севем», «Сагъ ол» айтмагъа унутманъыз!!!



Психология афтасы



МЕКТЕБИЗДЕ ПСИХОЛОГИЯ АФТАСЫ КЕЧТИ!

О, кьонушув кьабилитлерини, достлукьны инкишаф этмек, талелелер арасында сагьлам яшайыш тарзынынъ эмиети акькьында бильгилерни арттырмакь макьсадынен тешиль этильди.

Тедбирнинъ теркибинде: 1-6 сыныфлар ичюн «Ёлбаджы» оюны, «Меним дуйгьуларым» тестлери, тренинглер, «Келеджекнинъ мектеби» ресим ярышы, «Меним кейфим» акциясы, мусбет ресимлер, «Ильтифатлар куню» психологик акциясы, «Дюньягьа тебесьюм багьышла» открыткасы ве "Биз бахтияр балалар"! финал концерти кечирильди.

«Психология афтасы»нда бутюн мектеп талелелери, оджалар ве ана-бабалар иштирак эттилер. Балалар бу тедбирде фаалиет косьтердилер. Биз мусбетлик ве яхшы кейф муитини яратмагьа муваффаькь олдыкь!

Психология афтасыны кечирмек тешеббюси тек талелелерге дегиль де, окьув джерьянынъ бутюн иштиракчилерине де ярдым эте. О, озь дуйгьуларынъ акькьында чокьча бильмек, стрессни енъмеге огренмек ве кьонушув кьабилитлерини юксельтмек ичюн имкян бере.

Биз тедбирнинъ иштиракчилерине тешекюрлеримизни бильдиремиз!